

入蜀 老学庵笔记

〔宋〕陆游 著

宋明清小品文集辑注



〔宋〕陆游 著
柴舟 校注

入蜀记 老学庵笔记

1 宋明清小品文集辑注

上海远东出版社

人蜀记·老学庵笔记

陆 游 著

上海远东出版社出版发行

(上海冠生园路 393 号 邮政编码 200233)

全国新华书店经销 上海长阳印刷厂印刷

开本 850×1168 1/32 印张 11.125 插页 4 字数 300,000

1996 年 11 月第 1 版 1996 年 11 月第 1 次印刷

印数 1—5500

ISBN 7-80613-255-4/I·222

定价:本册 19.50 元 (第一辑四册:85.50 元)

宋明清小品文集辑注缘起

小品之作，文辞简峭，然又随意写去，萧萧数笔，情致毕程。这般冲口信手的笔姿，宜于将片刻间的心意发露，其内涵包纳周遍，述学，谈艺，衡文，论道，酒蔬亭池，竹头木屑，无所不及，故不尽。不尽，遂不休无已，为祛此弊，故知止。知止则简，简则通道。——简，必有缺处，然彼有与此无触类相生，互为应答，显缺实则隐备。涉于繁，出以简，大抵是小品的本貌。至于文集的丛出，则始于宋。继之而发展，创出新句式来，便是晚明。至清，不衰。为使此类作品易于觅读，今取其五十种，汇为十辑，加以校注。注释殊非易事。清人阮葵生于《茶馀客话》述及此道，曰：注释者，诗文之冷锤也。锻者于刀剑既成之后，细密加锤，日冷锤。精铁得此，愈见坚利，毛铁则破碎。诗文注释，有意则精彩倍见，无意则罅漏多端。陈继儒则谓注书落剽窃则肤，落训诂则俗，复之有正笺，有旁书，不即不离，乍前乍却，颇似刘孝标注《世说》，陆农师注《埤雅》。两位所言，自是有味，令人欲依循一番，然而做起来总归是佳处难及，恶处不免。这套丛书，内中多有未经前人

注过者，倘有错失，惟望读者巨眼洞察，予以表出，方好。

编 者

一九九五年十月三日

校注入蜀记小引

柴 舟

务观《入蜀记》六卷，记其发山阴抵夔州之经见，舟楫迢迢，冒六月之暑，抗风涛之险，病妻弱子，左馆右药，几近半年。然行路艰缓，适成久味熟玩之机，探地形，察物候，遇人物，山光水色，家国忧端，一一移于笔墨。残年走巴峡，辛苦为斗米，一也；睹葭苇之苍茫，鳧雁之出没，味风月之清绝，山水之夷旷，一也；大江一线，宽狭有定，争战有数，宋金抗敌，以此为衡^①，务观徜徉考察，强势弱形，判之于纸，一也。自云，三巴亦有何好，万里翩然独寻。本意为君说破：消磨梦境光阴。《六言》：「梦境，难言哉，庄生归之以物化，务观庶几近之，为文亦平静坦适。然欲大刷渭桥之耻，此心一如生息，无时不作，弥于简质之文间，识者当有以体之。」

此次校注，以知不足斋丛书本为底本，参校以宝颜堂秘笈本。

① 宋金各自实际控制区以淮河为界。陆游《老学庵笔记》卷九述及据淮与据江之别，云：“绍兴末，予见陈鲁公。留饭，未食，而扬郡王存中来白事，鲁公留予便坐而见之。存中方不为朝论所与，予年少，意亦轻之，趋幕后听其言。会鲁公与之言及边事，存中曰：‘士大夫多谓当列兵淮北，为守淮计，即可守，因图进取中原；万一不能支，即守大江未晚。此说非也。士惟气全乃能坚守，若俟其败北，则士气已丧，非特不可守淮，亦不能守江矣。今据大江之险，以老彼师，则有可胜之理。若我师克捷，士气已倍，彼奔溃不暇，然后徐进而北，则中原有可取之理。然曲折尚多，兵岂易言哉。’予不觉太息曰：‘老将要有所长。’然退以语朝士，多不解也。”

人蜀记

宋明清小品文集辑注

目录

卷 一	1
卷 二	23
卷 三	39
卷 四	53
卷 五	69
卷 六	83
附录一	
宋史本传	106
附录二	
校注入蜀记引用书目	109

卷

一

乾道五年*十二月六日，得报，差通判夔州。方久病，未堪远役，谋以夏初离乡里。

注释

〔乾道五年〕 公元一一六九年，时陆游四十五岁。据《宋史·陆游传》，乾道二年“言者论游交结台谏，鼓唱是非，力说张浚用兵。免归。”陆游《剑南诗稿》卷五《晓叹》：“少年论兵实狂妄，谏官劾奏当窜殛。”乾道五年三月，王炎除四川宣抚使，依旧参知政事，召陆游入幕，待成行，获通判任。乾道六年《将赴官夔府书怀》：“一从南昌免，五岁嗟不调。朝廷每哀矜，幕府误辟召。终然敛孤迹，万里游绝徼。”

六年闰五月十八日，晚行，夜至法云寺。兄弟*饯别，五鼓始诀去。

注释

〔兄弟〕 陆宰有子四人，长淞，仲浚，叔游，季漫。

十九日黎明，至柯桥馆，见送客。巳时至钱清，食亭中，凉爽如秋。与诸子及送客，步过浮桥。桥坚好，非昔比，亭亦华洁，皆史丞相*所建也。申后，至萧山县，憩梦笔驿。驿在觉苑寺*旁，世传寺乃江文通*旧居也。有大碑，叶道卿文。寺额及佛殿榜，皆沈睿达所书，有碑，亦睿达书，尤精古。又有毗陵人戚舜臣所画水，盖佛后座大壁也，卒然见之，觉涛澜汹涌可骇，前辈或谓之死水，过矣。县丞权*县事纪旬、尉曾槃来。曾原伯逢招饮于其子槃廨

中，二鼓归。原伯复来，共坐驿门，月如昼，极凉。四鼓，解舟行，至西兴镇*。

注释

〔史丞相〕 史浩，字真翁，鄞人。初尉余姚，乾道四年知绍兴，官至右丞相，封会稽郡王。浩曾屡荐陆游，力主抗金。

〔觉苑寺〕 建自南齐，宋时沈辽（睿达）书寺额，胡舜臣画山水于壁，时称双绝。叶清臣，字道卿，天圣二年进士，官翰林学士。

〔江文通〕 梁江淹，字文通，著《恨赋》、《别赋》。传梦中神人授五彩笔，文思大进，萧山梦笔驿以此得名。

〔权〕 代理。

〔西兴镇〕 在钱塘江南岸，渡口所在。

二十日黎明，渡江，江平无波。少休仙林寺，寺僧为开馆设汤饮。遂买小舟出北关，登漕司*所假舟于红亭税务之西。夜无蚊。

注释

〔漕司〕 管理收征粮税及漕运诸事务的机构。

二十一日，省三兄*。

二十二日至二十四日，皆留兄家。

注释

〔三兄〕 陆淞，字子逸，在族中行三，官至左朝请大夫。

二十五日晚，叶梦锡侍郎衡招饮，案间设矾山数盆，望之如雪。

二十六日晚，芮国器司业晔*招饮，同集仲高*兄、詹道子大著亢宗、张叔潜编修渊。坐中，国器云：“顷在广东作漕，有提举茶盐石端义者，性残忍，每捕官吏系狱，辄以石盐木枷枷之，盖木之至坚重者。每曰：‘木名石盐，天生此为我用也。’其后，石坐罪，竟荷校*云。”

注释

〔芮晔〕（一一一五——一一七二年，晔，一作煜），字仲蒙，一字国器，吴兴人。《宋诗纪事》卷四十七：“晔字国器，一字仲蒙，乌程人。绍兴十八年进士。历官御史、司业、祭酒，卒。吕东莱再娶，乃其女也。董斯张《吴兴备志》：芮国器官左从郎，仁和县尉。尝和沈长卿《牡丹诗》云：宁知汉社稷，变作莽乾坤。秦桧恶之，坐窜化州。桧死，始召还。”《剑南诗稿》卷二《送芮国器司业》（第二）：“往岁淮边虏未归，诸生合疏论危机。人材衰靡方当虑，士气峥嵘未可非。万事不如公论久，诸贤莫与众心违。还朝此段宜先及，岂朝遗经赖发挥。”此诗即赋于本年赴夔州通判之前，时芮晔还朝。

〔仲高〕 桂旂，字仲高，金华人，其《辨斋小集》有《陆务观赴召诗》：“四海文章陆放翁，百年渔钓两龟蒙。数关天地吾何与，老作春秋道未穷。李耳守官愈三代，张苍职史到三公。坐令嘉泰追周汉，此是君王第一功。”

〔校〕 枷械。

二十七日。

二十八日，同仲高出暗门，买小舟泛西湖，至长桥寺。予不至临安八年*矣，湖上园苑竹树，皆老苍，高柳造天，僧寺益葺，而旧交多已散去，或贵不复相通，为之绝叹。

注释

〔不至临安八年〕《建炎以来系年要录》卷二〇〇：“（绍兴三十二年十月）赐枢密院编修官陆游、尹穡进士出身。以权知院史浩、同知黄祖舜之荐也。”《宋史·陆游传》：“孝宗即位……史浩、黄祖舜荐游善词章、谙典故。召见。上曰：‘游力学有闻，言论剴切。’遂赐进士出身。”次年，即宋孝宗隆兴元年（一一六三年），陆游因坚主抗金，故欲剪除植党营私的龙大渊、曾觌，终遭贬谪。

二十九日，沈持要检正枢招饮，邂逅赵德庄少卿彦端。晚出涌金门，并湖绕城，至舟中。

三十日。

六月一日早，移舟出闸，几尽一日，始能出三闸。船舫栝比。热甚，午后小雨，热不解。泊采场前。

二日，禺中*解舟。乡仆来，言乡中闵雨*，村落家家车水。比连三年颇稔，今春父老言，占岁*可忧，不知终何如也。过赤岸班荆*馆，小休前亭。班荆者，北使宿顿及赐燕之地，距临安三十六里。晚，急雨，颇凉。宿临平。临平者，太师蔡京葬其父准于此，

以钱塘江为水，会稽山为案，山形如骆驼，葬于驼之耳，而筑塔于驼之峰。盖葬师云“驼负重则行远也”。然东坡先生乐府固已云：“谁似临平山上塔，亭亭，迎客西来送客行。”则临平有塔亦久矣。当是蔡氏葬后增筑，或迁之耳。京贵太子少保制云“托祝圣而饰临平之山”，是也。夜半解舟。

注释

〔禺中〕 中午。《淮南子·天文训》：“（日）至于衡阳，是谓禺中。”

〔闰雨〕 少雨。

〔占岁〕 《事物纪原》引《东方朔占书》云：“岁正月一日占鸡，二日占狗，三日占羊，四日占猪，五日占牛，六日占马，七日占人，八日占谷，皆晴明温和，为蕃息安泰之候，阴寒惨烈，为疾病衰耗。”

〔班荆〕 《左传·襄公二十六年》：“班荆相与食。”班荆谓布草而坐，以示亲好。此指金国使者进入南宋控制的境界后所受接待处。

三日黎明，至长河堰，亦小市也，鱼蟹甚富。午后，至秀州*崇德县，县令右从政郎吴道夫、丞右承直郎李植、监秀州都税务右从政郎章湜来。旧闻戴子微云：“崇德有市人吴隐，忽弃家寓旅邸，终日默坐一室。室中惟一卧榻，客至，共坐榻上。或载酒过之，亦不拒，清谈竟日。隐初不学问，至是间与人言易数，皆造精微，亦能先知人吉凶寿夭，见者莫能测也。”因见吴令，问之，云皆信然，今徙居村落间矣。是晚行十八里，宿石门。火云如山，明日之热可知也。

注释

〔秀州〕 今嘉兴。

四日，热甚，午后始稍有风。晚泊本觉寺前，寺故神霄宫也，废于兵火，建炎后再修，今犹甚草创。寺西庑有莲池十余亩，飞桥小亭，颇华洁。池中龟无数，闻人声，皆集，骈首仰视，儿曹惊之不去。亭中有小碑，乃郭功甫^{*}元祐中所作《醉翁操》，后自跋云“见子瞻所作未工，故赋之”，亦可异也。

注释

〔郭功甫〕 郭祥正，字功甫，苏轼友。

五日早，抵秀州，见通判权郡事右通直郎朱自求、员外通判右承事郎直秘阁赵师夔、方务德侍郎滋。务德留饭。饭罢，还舟小憩，极热。谒樊自强主管、樊自牧教授、广、抑，皆茂实吏部子。闻人伯卿教授。阜民，茂德^{*}子。二樊居城外，居第颇壮，茂实晚岁所筑，尚未成也。隔水有小园，竹树修茂，荷池渺弥可喜。池上有堂曰读书堂。游宝华尼寺，拜宣公祠堂，有碑，缺坏磨灭之余，时时可读，苏州刺史于頔书。大略言秘书监陆公齐望，始作尼寺于此，其后灞、浚、泮兄弟又新之。后又有贤妹字意者，陆氏尝有女子为尼云。然不言宣公所以有祠者。家谱泮作澧，赖此证误，讳灞者，则宣公^{*}之父也。老尼妙济、大师法淳及其弟子居白留啜茶，且言方新祠堂也。移舟北门宣化亭。晚复过务德饭。

注释

〔茂德删定〕 陆游《老学庵笔记》卷一云：“嘉兴人闻人茂德，名滋，老儒也。喜留客食，然不过蔬豆而已。郡人求馆客者，多就谋之。又多蓄书，喜借人。自言作门客牙，充书籍行，开豆腐羹店。予少时与之同在敕局，为删定官。谈经义滚滚不倦，发明极多，尤邃于小学云。”

〔宣公〕 中唐嘉兴陆贽谥号。

六日，右奉议郎新通判荆南吕援来，援字彦能。进士闻人纲来，纲字伯纪，方务德馆客，自言识毛德昭。德昭名文，衢州江山县人，居于秀，予儿时从之甚久。德昭极苦学，中年不幸病盲而卒，无子。纲言其盲后，犹终日危坐，默诵《六经》，至数千言不已。可哀也。赴郡集于倅*廨中。坐花月亭，有小碑，乃张先子野“云破月来花弄影*”乐章，云得句于此亭也。晚赴方夷吾导之集于陈大光县丞家，二樊、吕倅皆在。大光字子充，莹中谏议孙，居第洁雅，末利花盛开。

注释

〔倅〕 副职。

〔云破月来花弄影〕 张先《天仙子》词：“水调数声持酒听，午醉醒来愁未醒。送春春去几时回，临晚镜，伤流景。往事后期空记省。沙上并禽池上暝，云破月来花弄影。重重帘幕密遮灯，风不定，人初静。明日落红应满径。”词前小序云：“时为嘉禾小倅，以病眠不赴府会。”

七日早，遍辞诸人，赴方务德素饭。晚，移舟出城，泊禾兴馆前。馆亦颇闳壮。终日大雨不止，招姜医视家人及纁。

八日，雨霁，极凉如深秋。遇顺风，舟人始张帆。过合路，居人繁夥，卖鲋者尤众。道旁多军中牧马。运河水泛滥，高于近村地至数尺。两岸皆车出积水，妇人儿童竭作，亦或用牛。妇人足踏水车，手犹绩麻不置。过平望，遇大雨暴风，舟中尽湿。少顷，霁。止宿八尺*，闻行舟有覆溺者。小舟叩舷卖鱼，颇贱。蚊如蜂蛰，可畏。

注释

〔八尺〕 地名。清谈迁《北游录》云：“……八尺镇，麇无完室。相传明宪庙安妃姚氏家贫，习缁缁贸市，目不忤视。应选入宫，发素种种不盈尺，登舟过平望，一夕发长委地，今地名八尺，见冯梦禔《嘉兴志》中。按宋陆游《入蜀记》，过平望二十里曰八尺。则前说妄也。”

九日，晴而风，舟人怨昨夕狼狈，不敢解舟，日高方行。自至崇德，行大泽中，至此，始望见震泽远山。午间，至吴江县。渡松江，风极静。癰庵*竹树益茂，而主人死矣。知县右承议郎管铨、尉右迪功郎周邨来。县治有石刻曾文清公*《渔具图》诗，前知县事柳楹所刻也。渔具比《松陵唱和集》*所载又增十事云。托周尉招医郑端诚，为纁、纁诊脉，皆病暑也。市中卖鱼鲋，颇珍。晚解舟中流，回望长桥层塔，烟波渺然，真若图画。宿尹桥，登桥观月。